

Намрин тәрәнд газр хагълдж белдхмн

Август сарин полупарт газр хагъллгън — намрин тәрәнә культурун ик ургъц авлгъна эркн нег эв-аргънь болджана.

Республикин колхозмуд болн совхозмуд июль сарин болзг давулсн болв чигн, газриг август сард хагълв чигн оратш уга.

Цагтан хагългддж, сәәнәр эд-бод кегдсн пар газрт чиг икәр хоршад, саалтглдг өв-снә унгънь таслгдәд, намрин тәрән намрин бийднь дегц гарад, сән ургъц өгдгнь колхозмудин болн совхозмудин дамшлтас медгдсн.

Эн джилд полупарт газр хагъллгъна, намрин тәрәнд газр белдлгънә сән гидг эв-аргъ учрсн. Болв республикин кесг район, нег үлү Сарпинск район, полупар гидж газр хагъллгънд сән оньган ода чигн тәвәд уга.

1959 джилд сән ургъц авхин төлә республикин колхоз-

муд болн совхозмуд намрин тәрәнд газр сәәнәр белдх зөвтә. КПСС-н тангъчин комитетин бюро болн тангъчин кўцәгч комитет эн төрт ик чинр өгәд, шишлнъ токтавр гаргъла. Эн токтаврар полупар гидж 56 мингън гектар газр хагългдх зөвтә. Эн зурагъатнь болн сән чинртәгъяр кўцәх кергтә.

Эртәр хагълдг болн хар парин газр хагъллгън Приютненск болн Целинн райодт сәәнәр кегдджәнә. Эдн газр хагъллгъна зурагъан—140,4 — 130,3 процент кўцәсн бәәнә. Яшкульск болн Приозерн райод парт газр хагъллгъна зурагъан 37-23 процент кўцәгәд, тәрәнд газр белдлгъярн үлдддж йовна.

Намрин тәрәнд агротехническ заавр-зокалла ирлцнъ-гьүгъяр газр белдлгън — эдл-ахун гардачнрин эркн кергнь.

Б. БОЛДЫРЕВ.